

漸源唱咏集



832683

漸涼唱和集四卷

續鮑周懋泰署



漸源唱和集序

漸源集者黃巖王子裳太守屯溪臨別贈答諸作集之以名其編也太守嗜文學安性約身公餘豐暇兼掌黟邑碧陽書院教主持風雅輝映一時唱和之什多徽屬英俊又漸源之所以取義也戊戌春維翰榷茶皖南時君權釐休黟潘筱齋太守督浙鹺先後莅屯溪地居萬山其人質而少文一年以來昕夕過從契合無間者蓋君與潘太守兩人而已君雄於詩古文辭且有山水癖嘗游白嶽製齊雲圖詠墨二十四景竹洲花塢嘯歌其中輞川之風亦繼起矣一日示唱和集乞言於余余不文然亦不敢辭按水經注云漸水出三天子都漢書地理志云水出丹

序

一

陽黟縣南時歙黟二縣皆屬丹陽郡吳曰新都晉改爲新安是也攷新安江源有四一出黟縣山一出休甯率山一出績溪鄣山一出婺源浙山合流爲新安江昔歙地廣析爲休甯婺源績溪若祁門則黟地祥符經云績溪大鄣山卽三天子都秦立鄣郡取此郭璞云三天子鄣山在新安歙縣東浙水在其旁徽州府志云休甯率山一名張公山亦曰三天子都山海經云漸江出三天子鄣在率東蓋二山皆漸源所出後人因其地以爲三天子都有謂都卽鄣之譌者而漸水異源同流皆爲新安江所出亦審矣先是潘太守以瓜代返浙賦詩留別和者二十八人今君又將有適皖之行贈和尤衆君旣錄諸作得四百餘篇都

爲四卷讀之根觸於懷余聞黯然銷魂者別也悲哉爲氣者秋也二者時兩值焉矧以孤陋寡聞索居寂處友朋離合之思不將與皖江浙水浩浩淼淼同爲無盡焉乎因書以復君并以質諸筱齋也邵陽李維翰

君行有日矣倚裝爲余題跋各圖卷并屬余書所撰序意者爲異地晤對之資乎古人論爲學工夫涵養之功深便能靜亦定動亦定今君行李倉猝猶暇豫若斯異日事業烏可測邪爰跋數語以志欽佩光緒己亥重九前七日維翰并識

序

二

漸源唱和集敘

桐廬袁奉常僉巡鄞南之歲推宿學以經庶政處艱撥繁恒有暇晷與賓從之才者臬四方投謁之賢士大夫講道論治謀所以輔時之策其遇春秋佳日則從容游醮歌詠迭興以舒其氣而暢其意趣嘗裒輯之爲于湖題襟集天台王六潭太守之作燦列其間論者謂一時勝事焉太守閱覽博物超然榮觀發爲詩古文辭臻極超倫於奉常爲同年而同官于皖文字之契至深提唱風雅之旨亦復相等戊戌之春典榷屯溪用不足盡其才而樂文牒之簡清山水之幽邃以餘日四出登涉皆有吟篇越二年受代還皖城示以漸源唱和集始於休甯潘君筱齋同於是地掌鹽筴去時留別四章屬和者衆及太守之行仍用原韻以賦別而賡續益多所以名是編者邵陽李君藝淵敘之已詳皖城之能詩者又見而繼之於是篇什爲增富矣

顧序

國朝四庫總類西崑酬唱集編於楊億錄億及劉筠等十七人詩大抵音節鏗鏘詞采精麗坡門酬唱集編於邵浩錄二蘇及黃秦晁張陳李唱和之作凡六十篇同題共韻可以互考其用意今是編作者六十餘人積詩五百數十章太守緣情託興最豪且健十疊韻而未有已其餘雖多寡有差而亦大都同題無弗共韻鉤心緯思用意緻密音節詞采之競勝熿炳詞壇以視西崑坡門今豈有遜于古哉且夫集中詩人生于故鄞者過半

漸水發源鄞山清淑所鍾士多瓌碩益以奉常薰陶數載文澤
蒸蒸又得此閱覽博物之君子將事于其地講藝施教于其人
必有學問事功之大者起而光顯于時不第以詩鳴也顧其爲
詩倡自主盟提唱風雅之旨與于湖題襟後先輝映抑亦一時
勝事承學之士所欲得而諷誦者矣雖然自森書識太守時近
十稔讀函雅堂詩文道西齋日記其素所韞畜廣以參使外邦
考鏡得失識遠燭微端居憂深抒爲制變御敵綏世之論如長
江出峽曲折而奔流滄海駕濤橫溢而浩無涯涘漸源時出之
清泚在其涵納之中有非淺見所能測量者至于詩特其餘波
焉耳光緒庚子仲春金匱顧森書

顧序

漸源唱和集卷一

交卸屯溪浙鹽局務回杭留別

休甯潘恩榮 筱齋

一麾權作督鹽官鄉里優游歲月寬比戶近添新闕閱引年喜

見舊衣冠吳蕙吟少宰曹荔菴比部曹萃夫吳晉笙封君皆世交年均七十左右彝氛寢熾藏身

恥吾道康莊跬步安其荷生成同雨露不應長釣練江寒

越王煮海建奇功利賴於今百世同仲父綢繆齊業霸宏羊心

計漢朝工熬波積素民方足劃地分疆路不通按休北百里至甯國之太平婺

西百里至饒州又南四十里至南昌祁南九十里至浮梁北五

十里至石埭黟西北五十里至太平縣績北三十里至甯國縣

界俱係淮鹽接境故銷數年紉門戶洞開爭各守盈虛無術用其中浙西銷場浙東日紉

果能調劑庶裨離綱

卷一

荏苒時光瞥眼過涓埃無補悔蹉跎蟄龍得雨吼天闕老馬嘶

風飛怒河自笑塵途勞跋涉幸逢金石共磋磨邵陽李蕪淵觀

王子裳郡伯權貨稅二公學問政聲人生聚散如蓬梗去後相

思旅夢多


己及瓜期許暫留篙師催發武陵舟多情綠水知時漲有約黃

山負勝遊去年與李觀魯王郡伯有約未果臨別魂銷難盡意贈行詩好不勝

收長堤柳色增惆悵欸乃聲中早麥秋

送筱齋太守和留別韻依得詩先後為次邵陽李維翰蕪淵

何幸威儀見漢官莫輕鹽鍊恥桓寬時光珍惜陶公璧朋輩新



彈貢氏冠每誦清芬溯先世況居仁里近新安太守休甯人論文偶

散滄洲社異地詩盟未許寒

晚蠶早麥競收功物阜民康氣象同燥茗林煙霏暮靄熬波海水借天工已疲茶稅何時起偶困鹽車一霎通自昔珂鄉稱大好溪山應繞夢魂中

盍簪莫作等閒過謂王太守與公及鄙人讀律吟詩興未訖敢恃

聖朝無棄物喜開

貝闕似明河中興勳舊半凋謝後起人才爭濯磨肝膽相將輸醞酒不辭清酌百壺多

駸駸隙隙過難留如箭流光出峽舟待

卷一

二

詔早趨三殿近乘槎更歷五洲遊

朝廷北極終無改時事東隅尙可收此別吟身各珍重葭蒼露白又新秋

和韻送筱齋郡伯之杭州

黃巖王詠霓六潭

白雲星署舊郎官瀛海槎乘萬里寬剖竹乍還衣錦里加巾合

進觸邪冠時逢變法思桑孔君督銷浙鹽來此道濟蒼生望謝安一種

光芒文字在夜分高射斗牛寒

漫言琴德與茶功出處官階約畧同賴有文星臨浙水況隨甘雨待春工黃山雲海千峯見黟率仙源一水通消得新安好風

景吟情都在畫圖中

自悔年華電影過可能將壽補蹉跎獻書未著千金鑑遠覽虛窮五色河尙喜知交都契合莫云詩酒共消磨海陽東望巖灘水向後何如別意多

夾輪肯爲使君留折柳聊維甲乙舟江上濤聲動離思湖天月色夢清遊好傳勳業寰中滿如此河山筆底收我媿陽春難屬和空教一日度三秋

送家筱齋太守之浙和留別韻

休甯 潘宗信 蔚晨

舊族從來重世官黃堂繼美

國恩寬筴網新領當衣錦梓里傾心接黻冠列宿久徵郎署應使星曾贊友邦安梅花香裏遲君至鄒律能吹黍谷寒

卷一

三

和羹本重作鹹功鹽鐵均輸著論同法比蕭曹隨勿失術嗤桑孔計徒工成規倍覺權衡審惠政還期畛域通寄籍夙教承雨露人文幾許出其中

少壯光陰彈指過金門射策惜蹉跎科名謬獎駟開道英傑還看鯉躍河發軔早知青可勝下帷恰喜墨同磨謝庭寶樹三株並拂拭殷勤望更多

欲和新詩故宿留怕聽津鼓發仙舟池塘生草添新夢淥水依藁紀盛游練浦去思流共永幔亭法曲韻初收六堤宦迹坡公繼玉宇瓊樓一色秋

和筱齋太守留別原韻

休甯 胡淇度 貞之

廿載秋曹執法官，
齶綱才又借桓寬。
爲謀軍實勞籌筆，
敢以時艱乞挂冠。
幾見宦遊來故里，
兩隨使節出長安。
自從返旆東瀛後，
中日邦交盟漸寒。

詩成落筆有神功，
太守豪吟孰與同。
作郡幸隨蘇白後，
論書兼比柳顏工。
帆移極浦千山遠，
潮湧錢塘一水通。
此去西湖消夏好，
畫舸應在藕花中。

屈指光陰逝水過，
自慚無術補蹉跎。
稻梁藝願供千畝，
苜蓿餐甘辭五河。
子選授五河訓導以慈親年近九旬請養開缺
人事畧同雲聚散，
吾生半被

墨消磨。一官漫自嫌塵俗，
傳世冀黃外更多。

儘有商民遮道留，
故鄉難繫般般舟。
一麾雅稱西冷守，
萬里曾爲東海遊。
屯浦酒痕襟上在，
越山秀色望中收。
天公爲解長途暑，
峽雨溪風夏亦秋。

卷一

四

和筱齋太守留別韻

休甯 金恩灝 惠臣

換得頭銜一散官，
青瑣枯坐夜生寒。
灝以訓導改捐主事
愧非鳴鳳思朝

日笑類沐猴學，
整冠涉世可同詩。
膽小澆愁轉覺酒腸寬，
雄心未死何能已。
巖穴棲遲敢自安。

和戎上相累銘功，
玉帛雍容頌大同。
手挽狂瀾資碩輔，
力扶廣廈賴良工。
庸知異俗言多詐，
太息華夷道盡通。
願效馳驅歌靡

盥當陽

天子日方中

荏苒流光逐電過長安行樂易蹉跎

君恩未報宜憂國人壽無多敢俟河莫補時艱雖漫擲偶論世事劍常磨酒酣耳熱頻搔首咄咄書空感獨多

鴈影匆匆去莫留聞君又發虎林舟梁間落月添新感海上停

雲憶昔遊

庚寅冬寓滬與君暢敘

依舊湖山名士賞蘄新詩句錦囊收不

嫌狗尾將貂續有約還期桂子秋

奉和小齋姻伯留別原韻

休甯

程福滋

味書

榮旋暫作權鹽官重覩珂鄉野色寬山水頻添新畫藁親朋還是舊衣冠因叨戚誼勞相訪每向諸郎共問安尙憶追隨情話
永花遲猶自戀春寒

卷一

五

得句猶成大將功粗豪甯似李空同半生道長稱先輩七字詩
成有畫工國士才華名更重豎儒佔畢室難通慚余偶學邯鄲
步下里何能和郢中

迅速駒光隙影過時艱足補豈蹉跎力圖善政期安國欲掃邊
氛故誓河李杜文章能繼軌范韓經濟老研磨大功乃是名儒
出霖雨蒼生屬望多

差喜棠陰故里留那堪折柳送仙舟曾從東國觀殊俗更向西
湖紀勝遊兩袖新詩隨處得半帆斜日望中收行滕欲發吳山
近鴻鵠高遷卜早秋

敬和潘筱齋太守留別元韻

歷城

胡慶元

虞臣

十年擊柝處卑官共沐

興朝雨露寬勝地樓臺淹日月大邦文物盛衣冠魚游有夢豐
年兆厖吠無驚比戶安忽報海疆夷未靖堅冰無奈履霜寒
曾從海外翊殊功脩好敦槃八表同李鄴風華仙骨雋馬卿詞
賦匠心工錦衣一襲居鄉里禹筭三年得大通自愧庸材維小
草陽春何幸坐風中

記得滇南躍馬過不逢時會便蹉跎誓師欲奪崑崙險舞畫誰
最大渡河往事不堪書未讀此心常恨劍空磨如公風度堪調
禹仁看

彤廷錫爵多

卷一

六

啼鳥聲聲勸客留漸江渺渺送孤舟揭來滄海慵垂釣歸去西
湖任放游楊柳隄邊煙未晚藕花香裏雨初收風流太守眞名
士莫遣清尊負素秋

和筱齋太守留別原韻

青陽甯曾祺肖菴

卻羨河陽早服官相逢曾共酒杯寬

丙戌在京相熟半年

壯心欲擊中流

楫異俗相看掩月冠三島雄風憑遠覽五更歸夢憶長安多君
贈我琅玕句剪燭攤箋夜乍寒

調禹先傳傳說功和羹猶望後人同澤敷萬竈平能准續報三

年實處工莫道舟車分畛域可容權算廣流通仁民太守知民

苦多少綢繆未雨中

光陰強半客中過常使英雄悔跼欲爲

聖朝資柱石敢將時事喻江河錢王鍊弩成何用白傅長裘頌

不磨五馬蹠躑屯浦上祝公此去賞音多

小山叢桂漫遲留江上潮聲獨夜舟酌酒有時尋後約看花無

計續前游嚶鳴伐木遷喬喜子和儲才夾袋收公子已入泮他日相

思人更遠九華涼月海天秋

敬和筱齋太守留別原韻

閩縣

葉在鑿

仲治

說法身難現宰官蒲鞭政化緬劉寬

代任者武進劉君

學疏術淺慚鳧

烏命蹇才乖感雉冠鹽鐵篇新宗太守

子家亦綜鹽務

米珠價貴等長

安狂瀾欲挽無舟楫宦海風波膽已寒

卷一

七

異域當年效立功海邦東望賦來同家聲銅虎榮分郡吏治金

鷄續考工有子芳名齊范質送君別意悵文通

封翁昔官工部出守西江

朝廷已下求賢詔行見才搜夾袋中

忽忽強年四十過一官尙莫補蹉跎哀鴻蒿目悲中澤涸鮒關

心問監河北海酒懷樽共酌南宮書法墨爭磨料知此去西湖

近三竺風光領畧多

攀轅無計可遮留祖餞紛紛遞玉舟鸞浦帆隨雲外遠望湖樓

似月中游酒痕襟上還依舊詩句囊中不盡收我媿一官猶作

客憂時空感杜陵秋

未兩句用函雅堂集中語

和筱齋太守留別原韻

閩縣

陳敦善

碩菴

爲謀菽水佐州官南望鄉心強自寬世道日將淪左袵文章我亦誤儒冠炎風朔雪頻年苦殘月孤燈到處安傲骨生來貧己慣驅人差免忍飢寒

舉世伊誰汗馬功中興將相憶咸同難除積習夤緣巧徒託空言結構工民爲護身趨教衆地當要腹索商通憂天莫笑人如杞我亦蒼生覆幬中

岑寂衙齋喜見過聆君妙語慰蹉跎斜陽帆影收屯浦積雨灘聲吼浙河縱酒興酣尊屢倒揮毫腕健墨同磨風流太守調羹手贏得謳思去後多

去去曾將別句留端陽競渡賽龍舟蒲觴願祝昇平樂梓里偏

卷一

八

教快意游山色溪聲如此好詩心畫本一齊收相期他日錢塘上共看江湖八月秋

和小齋太守留別原韻

南海 梁慶藩 伯屏

鹽梅今暫作閒官轉運新都歲月寬五馬優承

天寵命十洲雅重漢衣冠昔年奉使隨遊歷他日和羹策治安

獨羨故園留宦蹟竹梅得主耐清寒

鹽局屋舍 本君家業

作舟思樹濟川功捧檄來遊不約同白嶽輸君丰格峻素牋投

我詠吟工

君善韻學

每依北斗蓬萊望媿對南山

雨露通况荷垂青逾格外忍聽驪唱客途中
屯浦盤桓幾度過頻邀尊酒話蹉跎勞勞薄宦卑沈海泛泛征

槎利涉河自有宏才資擘畫每懷清誨倍研磨飛觴雅製翻新
譜洵是騷壇韻事多

陽春有脚去難留歛浦灘頭泛竹舟府海規模煩整理湖山名
勝任遨遊臨風贈別情同往指日持符效遠收料得他年膺重
寄煌煌政績播千秋

敬和筱齋先生留別原韻

續谿汪淵詩圃

湖山管領舊郎官一權歸乘練水寬人到故鄉誇衣錦天留勝
地待彈冠晨星寥落親知少歲月清閒宦迹安猶記童年遊釣
處漸江鷗鷺未盟寒

幾人投筆建奇功耿耿憂時心豈同書上萬言謀不用戎和五

卷一

九

利術難工吹噓蜃氣瓊樓幻蹴踏鯨波鐵艦通太息諸公猶未
醒至今濃睡酒方中

曾惠敏有中國
先睡後醒論

五馬雙旌擁傳過功名休更歎蹉跎神山初日曾觀海縱酒論
文似決河利縮牢盆冰共潔弊清禹筮鏡新磨知君極意親風
雅贏得鄉評眾譽多

黃山白嶽夢句留爭奈忽忽汎柏舟三疊陽關添古怨一湖煙
水待重遊新詩漫誌尊前別勝景都歸筆底收此去西泠載吟
舫萬荷深處渚煙秋

奉和筱齋仁兄留別原韻

休甯胡欽順健甫

鄉民爭羨是鄉官弊絕嵯綱法外寬

北闕喜承綸綍諾東瀛曾見玉繩冠風塵作吏躬應瘁淡泊盟
心夢亦安不媿人稱清白吏至今依舊守單寒

海外曾經紀大功睦鄰差喜軌文同早知詒燕淵源舊羞做宏
羊權算工此日均輸資挹取頻年積課任疏通如斯寬大紓商
力平准都歸掌握中

故里鳴騶早晚過得償心願豈蹉跎三生結契情如海兩世交
驩誓指河五袴聲名同仰望百年精力易消磨而今我爲阿咸
幸越蔭長依獲益多

六舍姪季湘出幸
杭州爲君屬僚

瓜代愆期一再留贈言臨別惜登舟定希冀遂爲名宦待訪容
成作至游白嶽已爲身外約黃山好向眼中收願君他日膺民

卷一

社樂歲年豐頌有秋

和筱齋太守留別原韻

休甯 吳世珍 璧如

道是親民郡縣官翩翩雅度法劉寬曾遊絕域甘投筆却笑鄰
邦遽裂冠司士有書三箴在督巖無擾四鄰安願君節操同冰
鶴銜俸雙清玉葉寒

東瀛修睦恥言功退讓由來不苟同刻意待摹新法制留心欲
振舊商工鄉情自昔稱稠密時事多艱貴變通料得指揮應早
定山川如在畫屏中

梓里榮旋兩歲過漫將韻語慰蹉跎堂開畫錦同居相法置鹽
倉便運河菽粟幾人崇儉約琴書萬卷任消磨平生事事真明

達始信良才闔歷多

行蹤偶爲故人留送子藤溪泛宅舟文字因緣都夙契武陵煙
景此重遊臨歧把盞無多飲薄技吹竽莫濫收試誦國風蕭艾
句相思一日似三秋

和筱齋太守留別韻

休甯 李鴻儀 泳舫

幾年鴻雪聚長安杯酒論交四海寬燕市我方悲索米龍門君
已慶彈冠通才未屑爲能吏儒雅無妨現宰官回首都城風雨
夜蹇驢席帽不勝寒

破浪雄心我亦同違言身世異窮通酒邊肝膽存知己腕底煙
雲有化工火瑄颯輪馳海外珠槃玉敦遍寰中故人準備如椽

卷一

十一

筆詎止循良與紀功

不負雞窗鐵硯磨年逾強仕未蹉跎文翁領郡循聲起朱邑同
鄉惠愛多幕府幾時依絳節旗亭端合唱黃河書生小試和羹
手五馬新從梓里過

綠水青山客子舟一麾重續武林遊十年舊雨燈前夢百丈寒
潮笛裏秋兩浙湖山歸管領六橋鶯燕許勾留湧金門外蕭蕭
柳付與詩人筆底收

和筱齋親翁留別原韻

休甯 戴光輝 美舍

小園佳果種文官陶徑三三地自寬素性祇耽泉石枕盛名合
讓樺山冠葭葦未訂心先印松菊猶存志早安衣錦喜君來梓

里好從良晤敘暄寒

灌畦老朽有何功入室蘭言臭味同濟世輪君才獨遠吟詩媿
我筆難工明知槐闕身無分願訪桃源路可通霖雨間雲分仕
隱出山應勝在山中

百歲光陰大半過鬢絲頓改自蹉跎舊情可擬魚投水新政知
同虎渡河梁棟材高期斧藻圭璋望重老研磨臨歧一棧殷勤
勸惜別還兼屬望多

自君之往悵難留明月清風送客舟飄轉欲隨天際去櫓搖如
在鏡中遊多情魚鳥依人樂有美湖山入畫收寄語此行須鄭
重新涼轉瞬又成秋

卷一

三

和筱齋姻世兄留別原韻

休甯 吳士杰 晉笙

羨君早作白雲官胸次還同日角寬遠志相期婪尾宴衰年吾
著竹皮冠重來定有題矜樂隨遇能教一席安正對銀缸思我
客鷄聲曉報五更寒

鼎鼐調和宰相功權參禹筴此情同瓜期將代因循久藻句遙
頌鍛鍊工滄海曾經謨自遠武林暫別訊能通欲來屯浦邀君
醉共掃離愁方寸中

明月當頭幾度過吾惟將壽補蹉跎早聞政似魚懸戶况復詩
如象渡河一片青氈嗟坐老十年鐵硯笑虛磨方期剪燭西窗
話忽聽驪歌別感多

蒲帆已挂勢難留，悵望波心一葉舟。此際臨流將遠別，何時載酒復同遊。韜鈴劇羨胸中富，風月都歸筆底收。餞飲勸君杯共盡，牽山蟾影半輪秋。

奉和筱齋姻叔留別原韻

休甯 胡肇燾 菽初

漫說巖綱暫攝官，考書最上比兒寬。均輸不泥宏羊法，超擢應加解豸冠。捧檄昔曾來故里，挂帆今又出新安。連番好雨添新漲，五月江深尙嫩寒。

兩隨使節佐成功，也與當年博望同。三命允宜

恩疊錫，六書況復體兼工。流傳墨寶多珍惜，整頓巖綱妙變通。他日黃堂身縮綬，循聲定播武林中。

卷一

三

愧我駒光冊載過，未成一事悔蹉跎。回頭歲序如流水，蒿目時艱又決河。屯浦酒痕襟尙在，錢江水色鏡新磨。祝公此去風波穩，行盡巖灘三百多。

難把行旌久駐留，多情綠水送方舟。未忘北海開樽飲，好向西湖買棹游。極浦潮聲千尺湧，故鄉風景一囊收。回思騶從爭迎日，彈指光陰已二秋。

敬和筱齋太守留別原韻

休甯 胡榮第 棣和

君從故里作鹽官，小敘經年局度寬。世外煙霞親釣弋，山中父老尙椰冠。長才久爲殊方重，偉畧應教薄海安。極目九邊關塞遠，蕭蕭胡馬夜嘶寒。

作鹹何物著宏功煮海爲鹽千里同立策征商私可杜持籌妙
算計誰工雪消頗羨他方易山積惟遲此地通淮浙判如秦越
界獨思變法劑其中

忽忽駒光借夢過故園株守尙蹉跎神龍掉尾思騰海偃鼠藏
身恥飲河伐濟定知名不朽利人誰謂頂堪磨他年得遂聯鑣
樂矯矯君才勝我多

別緒纏綿未可留多情綠水盪輕舟片帆風滿資吟眺兩岸波
平任泳游此去鄉心知更永將來政績美堪收懷人却羨湖山
好記否三潭月印秋

敬和筱齋太姻伯留別原韻

休甯甯伯蔭錫侯

卷一

古

家學淵源紀史官徐州知遇得裴寬刑曹隨使東瀛島梓里欣
逢北斗冠惠政利民籌兩浙忠懷憂國憶長安曠觀世局思旋
轉一片心如金粟寒

鹽綱調劑實殊功浙水東西庇蔭同利濟爲懷勲不朽經綸滿
腹意偏工宦游仍得歸鄉樂商務還思異地通忽惠瑤章高格
調祇應籠護碧紗中

荏苒華年玉漏過光陰虛擲悔蹉跎羨君廉潔心如水愧我迂
疏指測河賈傳陳書惟痛哭馬卿壯志漸消磨璠璣畢竟爲奇
寶留得龍眠紫氣多

清名合似峴山留柳浦遠停載月舟鄉國與君期後約湖樓容

我話前游

丁酉南闈赴試返里在杭盤桓數月

片帆行色涂中勝一路詩情筆底

收他日吳江相問訊水心獨抱玉壺秋

敬和筱齋姻世伯留別原韻

休甯 甯本琪 美東

曩年政績著秋官湯網頻開法尙寬五善待咨持節使殊方已

少慕容冠

近日本改易西服無復漢制

敦槃好締鄰封睦帷幄謀參國步安

遠涉重洋三萬里風濤雖惡不知寒

報國曾操海外功襟懷磊落有誰同錢塘宦迹流傳遍梓里豪

吟點畫工鹽法參稽知利弊鯁綱積滯賴疏通商民自此咸稱

便雷動歡聲載道中

屈指天中節已過佳篇欲和敢蹉跎高懷舊識心如水雄辯還

卷一

五

驚口似河爲滌塵衿杯競酌因書警句墨濃磨他年德政留題

處應勝南陽召杜多

驪譟已唱不稽留安借東風挽客舟屯浦灘聲猶惜別冷泉亭

子羨重遊離情盡向蒲帆繞好景全憑畫舫收此去湖山資管

領迢迢南北兩峯秋

和筱齋姻兄留別原韻

休甯 程世琨 芷榴

故鄉人作故鄉官俯仰優遊四野寬素履未慚琚結佩剛腸合

是鐵爲冠待資舟楫鹽梅任欲奠蒼生社稷安見說異邦要挾

事睠懷時局亦心寒

調劑原資荒度功無如地利不從同熬波自便生民計煮海由

來造化工輸轉縱憑心妙用權衡終覺術難通知君費盡綢繆
意未得良謀志酌中

老去驚看燕鴈過代飛時序枉蹉跎英才幾輩垂青史壯志曾
經溯絳河時局艱難聞海嘯宦途閱歷賴沙磨新安江水知時
漲留得詩篇樂事多

欲駐蜺旌未許留忽忽難挽范蠡舟離情風雨增悵悵好景湖
山續舊遊夾浦花陰雲影亂隔江嵐氣夕陽收鵬程遠大宜珍
重溟北天池振翼秋

和筱齋硯兄留別原韻

休甯程世璞廷珍

暫教五馬攝鹽官權務勤勞未少寬

卷一

六

寵命早隨膚使節鄰封已改步搖冠榷楠有用爲時望樗櫟無
材祇自安記得當年同問字芸窗閒話夜燈寒

釐奸剔弊奏奇功屯浦循聲萬口同府海經綸關學術和羹事
業亮天工界嚴門戶銷終緹境限甯池未許通爭羨一官來故
里新詞羅入宦囊中

太息光陰逝水過慚予虛擲半蹉跎飛鵬早卜沖霄漢駑馬難
期策渡河兩字功名還偃蹇一生志氣漸銷磨與君約畧杭州
說依舊湖山好景多

瓜期及代未容留琴鶴相隨一葉舟尊酒漫教千日醉瀛洲更
擬入荒遊肥輕車駕乘時出得意風帆帶月收指顧

觀光趨

北闕玉珂金鑰漢宮秋

和筱齋硯兄留別韻

休甯 吳長銓 子選

錦衣歸里作高官獨羨君游宦海寬雅度愛垂明月佩清標合
稱卷雲冠鳴騶每式枌榆敬展驥知非豆棧安忽示新吟留別
句詩情清似水晶寒

力任時艱望局中英才龕拯古今同誰醫二豎爲良相能折三
肱是國工德裕籌邊原偉畧澶淵孤注亦成功草茅安敢談經
濟當路訂謨

九陞通

卷一

七

烏兔交馳日月磨如梭歲序任蹉跎羨君展翮沖霄漢愧我潛
鱗伏澗河祇道雲泥懸隔遠曾親杯酒晤言多星軺又向之江
指雪浪煙波桂楫過

離政旋聞借寇留故鄉重踐少年遊雕龍舊擅才人筆竹馬行
迎太守舟柏府薇垣聯步上雲臺煙閣及身收榷楠自是輪囷
選百尺龍門爽氣秋

奉和筱齋尊伯留別原韻

休甯 潘孝鈞 伯衡

簪纓先德重冬官繼美秋曹猛濟寬洞悉民情明執法感懷時
事怒沖冠運籌早樹寅僚則除莠原期比戶安威望儼同韓與
范似聞西域膽俱寒

東瀛隨使得論功
識量深沈孰與同
忠信可行蠻貊遠
參謀想見語言工
雙魚寵錫清標重
四牡駢征異域通
從此良才經閣歷
謀猷更出百僚中

粉社離綱兩載過
孰云駒隙尙蹉跎
樓觀滄海懸初日
圖出榮光識畧河
調鼎奇勳成左券
和羹夙願詎消磨
浙源兩派歸屯浦
族黨光輝事較多

欲聆清誨已難留
蓼溲方停青翰舟
雲路三千雕鶚振
吳山第一鳳皇遊
堂開畫錦前賢記
帆送斜陽萬象收
預祝黃堂榮蒞近
乘風破浪海天秋

再次前韻贈家筱齋太守

潘宗信

卷一

六

名臣當日出侯官
上下縱橫見地寬
牛馬維婁宜緩轡
貂蟬珥筆盡峩冠
虛車人自同房瑄
折屐誰能比謝安
欲向崆峒倚長劍
光芒直射斗星寒

運啟

中興頌武功遐荒
拭目萬方同
僅聞任味方言廣
更詡般倅異製工
趨法幾能長伎奪
匡時還冀碩才通
彙征有象欣交泰
宏濟還期指顧中

記與公車渤海過
計偕北上敢蹉跎
親從鎖鑰窺奇險
誰孽筮

篋阻渡河

乙未會試倭艦截流
同人多半途而返

措大本無繻可棄
兜堅豈必語

須磨

時公車康某約上書力却之并戒同儕勿預

書生徒負凌霄志
久蟄難云拙用

多

牙檣難爲拂纏留佳句重投待發舟別緒兼教懷棣鄂蓋臣兄弟奇卿弟

筮仕浙中題衿更自憶交遊謂金慈生通守裝輕琴鶴家山隔味美尊鱸宦

地收轉盼郵筒勞逕寄天邊雁影帶來秋

奉和潘筱齋郡伯留別韻

黃巖王福葆子容

錦樣詞華冰樣官雅懷高曠海同寬憤時屢廢杯間箸直道猶
存柱後冠人慕封侯齊定遠天留公望出新安似聞中夜聞鷄
起坐到更深玉漏寒

太上曾傳次立功經綸道德本相同名山早定千秋業世局時
爭一著工自有光芒追李杜漫云榮願付荅通記看濯足扶桑

卷一

九

日盡納蓬瀛一袖中

席上欣陪杖履過識公壯志未全訖深情脉脉堅同石清辯滔
滔瀉似河山水有緣資管領圖書無恙任掌磨何期筆硯都焚

後猶是呀唔學語多

無定萍宦子寓居名任去留客中送客蕩輕舟旗亭賭酒傳新唱湖

上題矜憶舊遊剪燭待編今雨集布帆遙指暮雲收武林山色
清如許好射銀濤八月秋

和潘筱齋太尊留別韻

黃巖丁瞻萬紫春

當年王李典秋官四海論交眼界寬雅爲中朝留柱石未容神
武挂衣冠吟成白雪千秋重撚斷蒼髭五字安從此文章歸外

翰月華清澈墨池寒

瀛州壇坫贊元功浴日餘波遠近同雨露無私沾

帝澤門心皆水勵臣工牢盆已重東南賦軌轍何來西北通知
有傷時無限思依依

君國夢魂中

老驥心雄千里過漫言伏櫪怨蹉跎百年勝算歸帷幄萬派朝
宗仰岱河小隱家山如鏡好前溪村確切雲磨汪汪雅度知何
似情緒難拋舊雨多

瓜期已過漫遮留訪戴還等剡曲舟佐漢功參黃石訣封侯願
待赤松遊勳名此日蘭臺紀手筆他年祕閣收媿我郢中艱屬

卷一

三

和知公皮裏有陽秋

答謝諸親友和詩疊前韻

潘恩榮

當年曾左統材官力佐中興拓地寬荒服威行屬賓國茅封
帝錫進賢冠撥開沉霧乾坤淨倒挽狂瀾社稷安今日折衝樽
俎盛要盟誰使敵心寒

恨遲面壁十年功徒羨車攻與馬向說法現身須妙諦因人成
事亦天工出山未必流泉濁經世惟求碩學通際此時艱猶戀
戀不才尙在黑甜中

海上停驂幾度過未諳修睦總蹉跎人爭逐鹿綱爲軌我覺亡
羊斧劃河韜畧豈無書可讀貔貅端賴盾堅磨諸君各有救時

策何患颯輪外侮多

多謝佳章雪爪留錦囊增重壓輕舟此行莫訝班生決異日還從博望遊詩酒狂名容我却文章聲價讓君收挂帆日覺鄉關遠鴈帛書傳水國秋

再和筱齋太守疊前韻

王詠霓

依然屈宋作衙官壯思還如漢詔寬白社偶成耆舊集黑頭應著遠遊冠最傳介節齊蘇武自有才名壓建安省識江湖忠愛悃清詞玉宇不勝寒

橫草誰收不朽功幾人開府晉儀同似聞航海梯山會多少勞神使鬼工冠帶未脩三表術靈槎空向百蠻通崦嵫西望瑤池遠旭日何繇得再中

卷一

三

軒蓋時容載酒過每聞妙語懈蹉跎百年事往真如夢一蕘心勞可障河楚客三千珠作履晉人十萬劍橫磨廟堂漸講強兵策爭似安民得算多

重疊新裁別句留川長應戀濟時舟詔書渤海旌龔遂團扇山陰畫陸游五馬待行湖上穩片帆遙帶夕陽收他時暢好吟情處鈴閣水壺萬里秋

和筱齋都轉屯溪留別元韻

婺源江峯青 湘嵐

醅鹽猶是漢時官閭井嬉遊仕路寬

屯溪鹽局向設公宅內

觀政庭羅鄉

父老還家人羨錦衣冠代瓜幸及時休沐捧檄何曾戀宴安指

日挂帆東海去一燈青閃劍光寒

和羹他日樹豐功纔試調梅便不同裕國還從恤商始操奇敢
謝計贏工政原有體存寬大法本因時待變通益上焉能無損
下權衡只在寸心中

百八灘頭五馬過

新安江一百八灘爲由徽赴杭必經之路

壯心何敢更蹉跎天涯

豈必無知已夢裏如聞呼過河不信奇才長抑塞未甘綺歲枉
消磨一麾出守渾閒事傑閣凌煙寄想多

百尺龍門此暫留不才何幸託同舟相逢惠贈新詩本佳句從
頭紀宦遊徽國雲山泥爪在錢江風月錦囊收讀驚人句增根
觸我到人間四十秋

卷一

和筱齋譜兄留別元韻

休甯

汪錫采

贊周

憶昨分曹廁地官論文杯酒樂閒寬商量戶籍師方策講習朝
儀肅冕冠數載晨昏花對賞兩家寄旅竹平安一朝判袂歸來
後咫尺關山歷暑寒

欣從海外立殊功奉使偕行效職同涉歷重洋忠信在經營絕
域計謀工睦鄰差喜邊烽靖問俗閒看遠道通秩晉銀青
恩賞渥遙臨五馬淞江中

四十年霜縱易過如斯樹立詎蹉跎職司禹筴分銷地官到家
門上下河蘭誼舊聯同策勵瓜期已及待銷磨君游越水吾之
楚各展輪蹄旅夢多

應官聽鼓任稽留鄂渚吳山各繫舟興擬退衙虛白詠風追攜
展永嘉游高擎砥柱瀾終挽不待桑榆效早收萬仞雲程何限
量莫嗟容易一年秋

卷一

三

六潭居士編次

海陽留別三疊筱齋太守韻

王詠霓

抱關偶寄一枝官山水仙鄉強自寬漁父喚人同泛宅樵夫笑
我尚危冠酒懷繡佛隨蘇晉禪思彌天證道安空負詩情崑體
豔雲龍不逐孟郊寒

熙朝

聖德盛豐功薄海車書普大同幾見孫吳談將略僅傳輸墨效
神工珍奇絕域千航萃任味方言九譯通誰省防秋邊塞急五
原自古近雲中

卷二

一

因循惆悵一春過迢遰清溪景已跼棲隱不妨蝸作舍瓜期又
近鵲填河千尋黃嶽心相印百尺蒼厓字待磨消受臥游圖畫
在奇峯爭共夏雲多

溪山雖好漫勾留住佳興還乘破浪舟結習未除文字業環珥思
續昔年遊故人情重難爲別未劫棋殘尙待收欲託微吟寄離
緒征帆遙指海門秋

和子裳郡伯海陽留別詩三疊前韻

潘恩榮

函雅書成勝擢官

公刻函雅
堂集新成

百年心事一朝寬補經定著河間

本編史時欹柱下冠更有文章驚海宇

前隨使歐州著
有道西齋日記

早聞聲

譽噪長安科名臺閣推前輩詩國何曾有五寒

六十猶勤纂輯功寸陰珍惜少年同周秦鐘鼎搜羅富吳越山
川琢句工雅躅叨陪逢鄭谷時艱宏濟望王通登車夙具澄清
志勝算都歸掌握中

八公山下玉驄過竹馬歡迎未敢跼惠政已留西楚郡前署鳳陽多惠政
舊詩猶說北葱河老成謀國書頗上遠略籌邊策不磨羨煞

碧陽諸弟子商量文字有三多今年兼主黟縣碧陽書院講席

唱酬猶望使君留去去還維下瀨舟子亦瓜期屆滿尚未啟行喜色不緣毛

義檄壯心欲伴子長遊此二句張伯清詩僅易一字親銜

恩命珠槃盛再繞環毬錦纜收老宦階晉開府名臣碩學共

千秋

卷二

二

和海外陽留別韻寄薛蒼林夫人

太平 屈蕙纒 逸珊

避世真堪隱橘官煙霞長嘯海天寬乍來廡下偕椎髻時見山
中戴箬冠流水琴言千里隔喬林巢寄一枝安含情東望桐江
月葭菼蒼蒼露氣寒

長才空負濟川功監稅筠州事頗同霖雨蒼生遠夙願陽春白
雪媿同工海陽村市千帆集屯浦人煙萬井通卻憶京華無限
思鳳凰樓閣五雲中

悵望遙天少雁過尺書欲寄每蹉跎迢迢鄉夢迷台嶠耿耿晴
空眺卷河舊雨新知成契闊酒懷吟興漸消磨關心祇有梁間
燕一樣經秋別緒多

卜得新居且暫留西風又送旅人舟源流漸水更番飲思尺齊
雲託夢遊歲月悔從閒裏過溪山喜在望中收勞君別後時相
憶碧樹蟬吟暮雨秋

和六潭外舅韻

宿遷 申翰周 慎夫

銅虎威儀肅漢官南陽仁政頌劉寬五州瓜印題鴻雪兩字頭
銜晉豸冠肯謂抱關甘吏隱定應待

詔上長安老成饒有助時策愛護冬心到歲寒

漫言搜句百無功華國文章迥不同唱到陽關腸易斷調高白
雪和難工主持風雅推耆宿力挽狂瀾待變通好副蒼生霖雨
望勳名從此滿寰中

卷二

三

杖履相隨十載過祖鞭空策悔蹉跎琴聲乍解聽流水槎迹還
期采玉河明志惟公能淡泊壯心如我幾消磨何當更逐刀圭
後分得糟醕一勺多

名區無計再淹留瑟瑟西風逼小舟朋輩有情深惜別溪山雖
好未全遊半樽香液襟前漬一抹雲峯眼底收莫便尊鱸動歸
思最宜風物御梨秋

和六潭太尊海陽留別韻

潘宗信

直令屈宋作衙官浩瀚詞華氣象寬屢向瀛州高奪席還從郎
宿慶彈冠地靈賦久傳孫綽家學才應重子安憶得仿陶園裏

見林檎花發正春寒

公有春日游
仿陶園記

雕蟲技小有何功

舊冬所擬壽序荷蒙獎借

勳業文章道本同
召杜昔曾推

郡將靳張書已勒
河工東山絲竹籌
頻借西域輶車軌
自通薦

剡隆隆方日上
早知名署

御屏中

龍門咫尺約經過
未遂摠衣迹自跣
稗海編還詳赤道

蒙賜道西齋日

記其中海道經緯最詳

旗亭詞合唱黃河

大著有芙蓉桐絮詞二卷

商民屯浦傳謳詠

學子黟山共濯磨
省識棠陰隨地滿
去思何止郡人多

滿袖清風物望留
歸裝石壓鬱林舟
林鶯出谷聞初轉
竹馬歡

迎待後遊巴里吟
難珠玉和溪山詩
向錦囊收福星一
道量遷

去翹首中天明月秋

卷二

四

敬步六潭夫子留別原韻

丁瞻萬

香閣科名重達官
一麾江海水雲寬
漢槎舊訪支機石
淮甸人

多太古冠大雅扶
輪推庾信小山叢
桂待劉安彌綸七
邑文章

煥遍境誰吝暑與寒

聖朝柔遠奏殊功
向日葵傾拜舞同
修好敦槃煩一介
更張琴

瑟賴羣工愁聞邊
界更番割欲砥中
流下上通敢謂乾
坤多棘

手轉旋尤翼笑談中

委吏周旋三載過
撫膺歲月易蹉跎
縱江斗覽蛟藏澤
藤浦聞

看魚舞河浴日才
華雖抑塞凌雲志
氣豈消磨瓜期屈
指秋將

近無限離情詩思多

樗材慙負白駒留學步空教劍刻舟結綠青萍虛賞識光風霽
月願從游浮雲西北高樓迴賓主東南眾望收自此征帆江上
掛去程鵬鷲出高秋

和家六潭太守留別再疊前韻

王福葆

冷眼何曾慕熱官端倪養得性天寬間中習草松爲管忙裏栽
花鐘作冠結社有時聯白傅養生偏喜學黃安何期一臥滄江
晚幾度庭前竹影寒

但明斯道不論功朝市山林易地同老大共驚駒過隙綢繆遑
與繭爭工循良兩漢原經術著作千秋邁史通獨有虛堂衡鑒
朗冰心長在玉壺中

卷二

五

光價龍門百倍過平生猶得補蹉跎神交淡泊眞如水臭味差
池鑿此河似我庸材甘坎塞如君清望豈磷磨相看各自嗟非
昔試數霜髭孰較多

雪來柳往漫稽留身世原同不繫舟授室粗完向子願賃春未
挾孟光游研田歲惡蕪萊長藥籠功資荅朮收卻倚闌干望天
末青山紅旆不勝秋

敬和子常姑父留別原韻

太平 屈霽光 曉蓉

淵源家學出鹽官公封翁壽田先生曾任海甯州學正丰度端凝禮數寬清望如

公猶監稅庸材似我媿儒冠薦蘿幸藉喬松倚燕雀還欣廣厦

安鎮日從容陪杖履春風噓拂不知寒

籌邊未立剖符功遠略雄才自不同舊識仙槎窮海島更傳妙
句奪天工文章事業千秋永王會車書萬國通龍馬精神猶矍
鑠昆吾應見日方中

華年休悵夢中過牢補歧羊尙未跼鑿險有時通鐵路洗兵何
日挽銀河杜陵憂國身將老定遠封侯志不磨一片拳拳忠愛
意江湖魏闕感恩多

山水新安一載留清惟琴鶴伴歸舟金丹未訪容成子欵段空
懷馬少遊洛社聯吟成雅集海珊結網喜新收雙旌遙指嚴陵
瀨一派灘聲月色秋

和六潭太尊留別原韻

休甯吳爾寬仲容

卷二

六

居然屈宋作衙官如此胸襟海樣寬三載馳驅隨使節廿年遭
遇倭峩冠漢廷循吏推王景前權鳳陽府辦皖北河工江左蒼生望謝安試

向斗牛峴紫氣劍光長似玉龍寒

破浪思垂竹帛功壯懷不與別人同乘槎直欲窮瀛海下筆眞
堪奪化工萬里日程還有記五州風俗也能通奇觀域外知多
少盡入先生楮墨中

問字車爭載酒過著書歲月未蹉跎居雖近市心如水與到論
文口似河閱盡琅函千卷富公藏書甚富鑄成鐵硯一生磨公門又

種新桃李贏得清陰處處多

雙旌偶向練江留杯水坳堂芥作舟愧我平生無一面祝公他

日倚重遊思歸曲好琴中奏贈別詩多篋底收此去高吟牛渚
夜有人相賞片雲秋

和六潭太尊留別原韻

績溪 吳鶴齡 菊如

秋風得意又春官輦下論文眼界寬名動公卿咸倒屣曹分比
部慶彈冠環毬萬里資遊歷下筆千言策治安

近屢條 陳時事

差幸福

星臨皖水大開廣廈庇單寒

曾經面壁十年功著作由來迥不同篇什遠教傳海外心思巧

欲奪天工

集中海外諸作最奇偉

字臨晉魏偏趨逸

蒙書 便筵

書譯蠻夷也博

通新譯泰西諸書無所不覽

羨煞黟山諸舊友廁身都在絳帷中

捧檄休陽兩度過

甲午年曾至此

閒中歲月易蹉跎宦情久似鷗盟水

卷二

七

史學能詳豕渡河經濟如公堪入選

劉峴帥咨送 經濟特科

年華笑我任

消磨歸裝檢點無他物剩得清風兩袖多

而今無計再攀留心緒渾同不繫舟送酒未忘三徑約浮家敢

訂五湖遊滿腔離恨尊前訴異域奇觀筆底收此去更教吟興

足雁聲叫徹楚天秋

和六潭太尊留別原韻

績溪 吳壽祺 壽生

分曹當日列秋官海外乘槎宙合寬萬里環遊隨使節一麾出

守重儒冠文章畢竟留聲價痛哭曾傳策治安應有滿腔忠憤

氣屢上書 當道

宵深誰識劍光寒

天籟原憑造化功知音空許論詩同香山舊句雞林重流水新

聲海上工公選遊歐西名勝以詩紀之猶有罪言同杜牧黯然別賦續文通

原唱步篋齊太守韻問公書篋行囊外多少吟箋滿袖中

莫道光陰似電過如公真不算蹉跎壯遊已踐龍吟海善政能
殺虎渡河別緒漫天魂易斷酣歌斫地劍新磨深情爲問桃潭
水今古離愁若個多

休陽父老漫遮留悵望登仙郭李舟卻怪雙熊馳欲去還期五
馬詠重遊溪山如畫供詩料蟲鳥微吟正暮收風景此行應更
好征鴻遙度皖江秋

和六潭太尊留別原韻

績溪吳永焯吉甫

不作人間強項官偶來垂釣練江寬十年早獻相如賦一第曾
彈貢禹冠少府水衡錢待椎鬱林裝橐石粗安荒濱莫道長才
屈有腳陽春未覺寒

卷二

八

環毬如砥美哉功萬國衣冠慶會同星度躔交儀有側電標瞬
達技能工馳驅烏道繩橋渡蹴踏鯨波鐵艦通海外奇觀真不
負盡收詩句錦囊中

問字亭前載酒過元經事業莫蹉跎已看輜輳臨殊域會遣鞭
箠塞斷河薄宦龍眠身小隱舊遊雁宕宇高磨隸有遊雁宕諸作歸途
倘遇親知說大好溪山領略多

五馬雙旌肯少留匆匆還放若邪舟綠荷戰雨行經聽黃海鋪
雲待再遊鷗鷺舊盟江上別蛟螭奇字扇中收曾爲書便面他年來

典新安郡我澤如春歲有秋

和六潭太尊留別原韻

太平劉文錕 巨川

大羅天上舊仙官
展足環遊八極寬
白日放歌還拔劍
青雲得路且彈冠
淮南曾見雙旌莅
窗北聊憑一枕安
玉宇瓊樓回首望
卻愁高處不勝寒

君才自是濟川功
不繫扁舟一樣同
楂訪河源途更遠
篇傳海外語尤工
乘風破浪懷元幹
指日修渠起仲通

用後漢書事

經濟如

公曾有幾豈徒文譽播寰中

幾度高軒戶外過
未曾識面悔蹉跎
望公每詠鴻遵渚
笑我翻同颺飲河書
擁百城家自富
扇題六角墨新磨

蒙書便面

他時倘遂

卷二

九

登龍願聲價應增十倍多

征帆欲去渺難留
萬頃煙波一葉舟
曲唱陽關添別緒
源尋浙水續前遊
無邊風月從頭憶
大好溪山入眼收
我是巴吟慚下里
讓公秀語氣橫秋

前題

績溪程康梓 桐卿

卻喜東來就一官
高風竊慕太虛寬
顧廬時枉鳧飛舄
換酒何妨貂解冠
歡敘平原慚未久
詩降老杜欲偏安
吟壇誰許成知己
筆不生花膽自寒

敢詡儀秦舌戰功
五洲形勢縱橫同
師船列表圖堪繪

君嘗佐韓師船

表旅蹟環毬記倍工
滄海潮回風又急
梯山人遠軌能通
櫂槍

欲挽銀河洗會遣乘槎八月中

仙吏何年駕再過一同相見一蹉跎情懷落落如明月別夢迢迢度晚河儘有辨才答寶戲能傳文字任人磨名流總爲蒼生出載道驪歌到處多

去思碑永古今留大可爲霖並作舟駐馬江頭勞返顧騎驢湖上想清遊青溪水淨孤帆遠白嶽雲迷夕照收颺泊萍踪原有合莫同宋玉亦悲秋

恭步六潭太尊留別原韻

梁慶藩

旗亭一截唱伶官畫壁論詩放眼寬得句從容唐格律寄情瀟灑晉衣冠參將禪理心心印鍊就仙才字字安珍重芙蓉秋水

卷二

十

曲懷君江上未應寒

聖世

覃恩重考功使才絕域將才同韜鈴奇計羅胸久帷幄宏謨積算工三載星輶遊已徧五洲風土譯能通折衝樽俎何如事得意揚颿宦海中

大好新安一載過娛情山水未蹉跎離悵聽三秋雨潤澤仁深九里河牙纛從茲占大用口碑終古不能磨廉名節使還符李估舶東來幾倍多

李勉拜嶺南節度使廉潔不暴
征西南夷舶來至四千餘艘

攀轅無計重淹留萬里征途一葉舟增驥自慚梅尉傳遷鶯望續皖公遊雲臺事業成功偉海國圖經著籍收好趁高攀霜鬪

健中天一鶚正逢秋

奉和六潭太守海陽留別原韻

會稽 胡儒貞 意蘭

贏得新詩謝熱官，便便書笥腹中寬。
花間邀月狂呼酒，竹下吟風嬾整冠。
萬里環游應待續，一生隨寓總能安。
知公更有清心處，漱齒休嫌井水寒。

濟世羣推保障功，此心憂樂與民同。
也知杜牧言無罪，休笑崔駟宦不工。
白首尙懷千里志，丹忱還望九關通。
淮南小試屠龍技，德政碑猶在口中。

六十年華彈指過，撫衷應自悔蹉跎。
幾人早醒華胥夢，名士爭如曳落河。
爨下焦桐誰省識，囊中舊劍懶重磨。
願公大展匡時略，我亦蒼生受福多。

卷二

十一

爲和詩章且少留，壯懷思作濟川舟。
公如破浪宗元幹，我念居鄉馬少遊。
桑陸幾醒滄海劫，蒲帆又向皖江收。
陽關此日歌三疊，一抹銀河笛裏秋。

謝友人和詩四疊前韻

王詠霓

豈因升斗戀微官，萬戶何如酒國寬。
對鏡幾時生白髮，辟塵只合著黃冠。
可能撒手從君隱，莫漫將心與汝安。
遲我草堂筮飛遯，北山猿鶴笑盟寒。

難得丹成九轉功，也從納甲契參同。
安禪未證聖胎住，入世何來劉鼻工。
萬壑濤吟多靜趣，千潭月印自圓通。
蓮池無碍生花

舌都在華嚴性海中

揚髻空望禹門過驤首天衢志未跲肝膽縱橫非楚越輪蹄憔悴老關河巢居久已安鳩拙命宿何因等蝸磨一事差堪慰知已別時贏得贈言多

多謝吟朋醉墨留仙蹤還附李膺舟卅年攬轡虛初願八極尻輪感壯遊大漠邊聲雲外急隔溪山色雨中收君看碧漢清光滿玉露金莖沆瀣秋

步子裳太尊留別原韻

休甯 劉文藩 景武

漫呼屈宋作衙官王佐才華比海寬壯志幾曾酬短劍大儒今得見峩冠可能一日忘君國儘有千言策治安午夜披衣和雨

卷二

三

讀唾壺擊碎燭光寒

縱橫文陣有奇功大度汪洋混異同海內論交憑月旦殿前作賦奪天工瓊林桂苑翱翔久治譜刑書次第通我是阮公青眼客幾回痛飲畫堂中

環毬九萬片帆過擊水三千興未跲秉節尚思維地軸乘槎猶

欲問天河原唱有環毬思續昔年遊句集成一品嫗能解身有千秋名不磨

忍別新安山水去知公愁比亂峯多

旌旆難爲遮道留青溪看放木蘭舟西湖風月供吟眺南國江山助勝遊別緒滿懷何日慰俗塵盈斗幾時收陽關乍唱難成

疊隄上甍甍柳色秋

和子常太守留別元韻

休甯 洪廷俊 其相

詩酒何曾是曠官公餘吟興草堂寬榷舍中有溪上草堂著書滿載軒輒

籠憂國時搔杜甫冠惠澤早經敷下里才名自昔重章安黃巖後漢

時為章安縣攀轅無自瓜期屆一曲驪歌練水寒

和戎魏絳竟無功玉帛空教列會同圖治勵精勞

聖主安邊無策媿臣工已成獫狁周家逼徒見單于漢使通幸

有匡時王景略指揮預定笑談中

垂青許我屢相過一載光陰倏已跲小隱漫思棲澗谷狂瀾尙

待挽江河槎乘海國名猶震石勒燕然字不磨他日投簪身請

老紀功詩比紀遊多

卷二

三

維繫雖殿未許留載將琴鶴泛歸舟青雲從此騰前路黃嶽何

時快壯游天末停雲離思遠屋梁落月夢中收征帆風送吳江

日應是霜中橘柚秋

和子裳太守留別之作再疊前韻

李維翰

風流曾說永嘉官放棹公餘逸興寬治績早登循吏傳初心不

負進賢冠齊雲圖詠追摩詰嘗遊白嶽製墨為齊雲圖詠二十四景滕閣風帆送

子安人世每從離合感涼生天末雁驚寒

清淑湖山造化功人文蔚起古今同六潭峰下著書富漸水源

頭滌句工近以漸源唱和見示皆送別之作胸次劍南輪浩蕩才華甌北侈宏

通文章太守講黜學重席何殊戴侍中

瓜期瞬息一年過目擊商鞅事事跣煮茗閒情汲泉水乘楂舊
蹟溯天河海波奇險收詩卷歛硯微凹惜墨磨宇內觥觥函雅
集陸機猶得患才多

待理行裝妙句留剡溪先後放輕舟

月初筱齋太守回浙君亦取道錢唐

霞天仙

韻吹笙去風月詩人帶鶴遊此際賢良濟時用況君磊落薦書

收

去年被新甯尚書保薦

魚龍騰躍風雲起日送滄溟萬里秋

奉和子常太尊留別原韻

胡慶元

舊是西曹執法官獄疑惟慎讞惟寬救時特上平戎策側注曾
隨使者冠白傅才名留絕域宣平芳躅著新安劇憐多士舒翹
日廣厦渠渠大庇寒

卷二

古

桓袞榮華重建功槐陰接葉古今同道西齋記經行遠函雅堂
開著作工雅鑒自成人物志真儒能絕地天通崑崙山色蓬萊
水都在先生杖履中

歲月堂堂一矢過艱難天步也蹉跎燕師已失牛犇壘齊地須
防蟻潰河志士每憂時奄歛英雄休忍氣消磨

熙朝雨露由來渥行見彤弓敵愾多

仙鄉此去足停留想見高人載月舟只爲皖公尋後約暫教天
姥續前遊古來豪俊乘時出洛下人才秉筆收慚媿蓋公堂下
吏勉成清節寸田秋

奉和六潭太尊留別原韻

休甯

胡承湘

蘭叔

爛熟思之是好官碩人自愛考槃寬欲除荆棘手無斧漫說滄
桑髮擢冠此日甘棠歌召伯舊時薦剡出歸安公前被沈仲真復中丞特薦

除願拜新都守五袴歡騰歲不寒

阜夔颺拜亮天功萬國梯航四海同化日何妨容鬼域澹災端

賴奏神工珠崖地隔民終棄近法踞廣州灣已無瓊州矣銀漢雲高路可通

蓄艾三年期已迫莫教強外笑乾中

少年趙李也經過今遇機雲歲已跼擁卷百城忘甲子懷人千

里隔山河登樓作賦悲秋早破硯傳家任墨磨聽到王郎歌斫

地唾壺擊碎恨才多

白嶽題詩妙墨留歸裝龍尾壓輕舟得依廣廈皆前定借重長

卷二

五

材有上游桃李儘多墻宇富山川大好錦囊收者番破浪乘風

去萬里鵬搏趁九秋

奉和六潭郡伯留別元韻

甯曾祺

在官何必竟言官太守風流雅度寬察吏但教譏異服愛才甯

復好觥冠十年樹木勤栽植主講碧陽

九陞臨軒策治安公對制策侃侃直言不拘繩格自有熱腸消不得冰心一片

玉壺寒

爭似姚江絕代功光明心地有人同名山早闡良知學文成公有九華

讀書樓後人為講堂祀之今書院名良知湯塾仙大令改名當軸應傳寅亮工金粟前身思

佛果拈花微笑證禪通堂開函雅宗風遠想見名流屬剡中

弱水蓬山一霎過不堪人事日蹉跎誰收戎服朝金闕親見天
兵洗玉河搖落乾坤身獨寄艱難歲月鬢雙磨浙東名士江南
吏留得甘棠惠愛多

別有閒身任去留人如蓬梗屋如舟客中况味兼多病夢裏京
華記勝遊鍾鼎山林原不異藥鑪經卷等閒收西風又送長亭
別雙鯉迢迢江上秋

漫言五疊前韻

王詠霓

漫言表聖隱王官谷飲巖栖百慮寬似我未成蠶尾集幾人先
著鹿皮冠緣參前定心常靜事到無求夢亦安悟徹盈虧皆妙
諦不應風味尙酸寒

卷二

六

煙月文章媿迪功更羞險語學盧同吟懷槁壤鳴蚯蚓世態含
沙畏射工近水樓高光易借輕雷車走語難通妍媸一任人評
泊多少傳神阿堵中

休悵星期七夕過洗車甘雨豈蹉跎黛眉空費螺盈斛白躡聞
看豕渡河差免飢腸鳴歷轅莫教心迹似旋磨歸裝琴鶴安排
定知否尋常酒債多

無意雲蹤肯滯留飄然斗室似虛舟早知空洞能容物何必名
山慕遠遊鍊石有情終待補應弦一發幾時收蕭齋况味清如
許團扇新涼枕簟秋

和六潭漫言四疊前韻

王福葆

飽食猶然類大官
唐巾襍帶着身寬
三升偶勸公明飲
二寸初成子夏冠
涑水良箴惟勵志
峴山名詡重遺安
笠車舊約從頭記
此日毋忘范叔寒

北山蒔藥王無功
種竹東軒蘇阿同
圖史留連容我拙
青紅塗抹讓人工
拈花未解聞三昧
勝果何由證六通
物理靜觀皆自得
白雲如水出封中

逆旅光陰一瞬過
君親未報總蹉跎
會看豎指消塵劫
誰肯雄心等誓河
渺渺鄉音縈雁帛
年年陳迹踏牛磨
愁腸百結知何似
況復連天暮雨多

雲幕偏爲勝蹟留
青簾白舫酒人舟
長孫座上多異饌
沛國門中盛貴遊
有意龍媒千里躍
幾時鶴料一囊收
吟餘領受閒滋味
短髻蕭然半榻秋

和外漫言再疊前韻

屈蕙纒

虛窗涼影對蒼官
瘦覺年來繡帶寬
奇服未忘香草佩
斜簪閒結石花冠
迴文圖巧憐蘇蕙
漱玉詞清慕易安
識得瑤琴弦外意
瀟湘一曲水雲寒

補天填海恨無功
况味原如食蓼同
傲骨幾能違世立
畫眉終遜入時工
瑤宮金粟前因在
紫府雲腴幻想通
悟徹九華彈指現
乾坤還在一壺中

寸陰珍惜靜中過
秋蟀春鷗景易跼
覽勝漫思窮海嶽
懷人眞

個邈山河塵緣妄證三生石禪說空參八角磨倦倚西風無限
思玉階如水露華多

鴻泥蹤跡復羈留薄宦眞如江上舟流水易成南浦別培風好
作北溟遊前溪雨過灘聲急深院涼生暑氣收待趁錢塘明月
夜挂帆同聽暮潮秋

六潭太尊以詩荅謝再疊前韻

吳壽祺

舊是承明侍從官竭來游戲渚田寬爲思霖雨爭推轂莫戀煙
霞便挂冠半世鍾情惟竹素幾人癡夢說槐安登高極目中原
遠底事幽州白日寒

卷二

六

不朽從來次立功生平事業有誰同六鰲策處胸襟闊五鳳修
成手段工留別詩篇夢天姥獻書家學本王通老臣戀
關心尤摯莫共庸流諂熱中

歲月滔滔逝水過那堪時局屢蹉跎商君枉說能強國漢使頻
勞遠訪河豈料錯成難更鑄漫云圭玷尙能磨炎風朔雪
中朝地太息金甌缺已多

漸源唱和有詩留歸興飄然太乙舟欲繫苗駒難久駐願騎竹
馬待重遊青山紅樹孤帆遠東箭南金一例收江上芙蓉無限
好羨公霜氣尙橫秋

六潭太尊以詩荅謝再疊前韻

吳爾寬

使君眞是采詩官珊網沈搜碧海寬相士祇憑心作鏡憂時何

事髮衝冠唱酬集合編長慶經濟科還重伯安留得書生真面目漫言風味是酸寒

何人麟閣策奇功今古原難一例同浮海有心偕季路觸山無力抵共工休誇鎖鑰重關固已見梯杭萬國通聞說五陵佳氣在幾回驤首望秦中

破浪曾經萬里過識公壯志未蹉跎儒臣鎮日惟憂國循吏家風善濬河秘笈奇書能盡讀虛堂明鏡不須磨輞川詩句蘭亭筆餘技區區未足多

有人當道願遮留難得天風阻客舟偶學吹竽勞謬賞尙希載酒侍清遊赤城霞起鄉關遠黃海雲鋪畫本收老圃黃花偏耐

久獨將晚節占高秋

卷二

十九

六潭太尊以詩荅謝再疊前韻

吳鶴齡

偶作休陽權稅官不從苛歛但從寬酣歌欲斫盤龍劍晉秩應加海豸冠可許乘槎尋舊夢會看綰篆到新安淮南尙有碑留口太守心清吏膽寒

但知粉飾便居功幾輩人才一樣同覆轍那堪思往事改弦還欲望羣工防邊枉說金甌固修好非關玉帛通熱血滿腔拚報國與公商權草堂中

皖江南北幾經過遊興而今尙未跂弔古也曾臨鶴水

集中有游古城

詩匡防秋猶記築睢河公前辦宿州河工風塵况味渾難訴文字光芒永

不磨此日旗亭同唱和新詩畢竟讓君多

聽得循聲到處留使君真是濟川舟成名縱未爭先著立品終能踞上遊桃李新陰門外種琳琅佳句篋中收半亭雅約何時踐桂子香飄八月秋

敬步六潭夫子留別原韻

黟葉錫祿 炳餘

第一人居第一官漁樵興寄旅懷寬煙波欲泛浮家宅樽酒時陪處士冠藉甚才名推兩浙大佳山水攬新安芙蓉初日詩詞豔消暑清溪夏亦寒

聖世全收絕域功梯山航海萬方同老臣當國謨猷遠傑士乘時擘畫工玉帛累修重譯好瀛寰博覽九夷通道西一卷流傳

卷二

三

久聞見都歸筆記中

差幸春風入坐過桃源歲月未全跲茫茫離緒懷前度耿耿流光近曙河黃嶽畫圖憑領略碧陽講席共研磨舞雩一詠歸來晚轉使鯁生別恨多

無計能教絳帳留匆匆又送皖江舟憑將文字親師範難把琴書從宦遊經濟大科終不負風雲奇遇晚來收他時定副皇華選裨海旌旗白帝秋

步六潭夫子留別元韻

黟葉霖 甘澤

省方南土率音官湖海元龍壯思寬澤國乘風堪作楫山城捧檄強扶冠豈徒麗賦侔孫綽更慰蒼生望謝安萬仞天台高不

極瓊臺星影墨雲寒

環毬九萬建殊功博望乘槎鑿空同疆場幾人籌勝算輸倖徒
見慕奇工十年霖雨成虛願一疏風雲待感通至竟

聖人出華夏五星垂象麗天中

桃源風景等閒過春夏駒光悔已跼墨嶺涵濡同化雨星期迢
遞盼明河黃山雲海供吟眺白嶽松煙共刮磨竹馬期公來出
守兒童爭似士迎多

江南名勝足勾留一葉重洋莫放舟自有文章千丈焰可無宦
蹟九州遊桑弧蓬矢男兒志玉帳牙旗晚景收笑我巴人初學
步吟窗夜雨漲深秋

卷二

步子裳郡伯留別元韻

戴光輝

無才願學在家官

楊萬里詩羨君身作在家官

贏得衡門歲月寬自媿蓬蒿

邀雨露敢將笠屐傲衣冠間鷗落落情偏逸栩栩蘧蘧夢亦安
一賦高軒相過處小園花事乍輕寒

草木咸資灌溉功詩人去後口碑同門盈桃李菁華萃詞擬芙
蓉字句工重譯音官相假借十奇祖德本精通碧陽弟子齊翹
首領略春風滿座中

同此光陰六十過雲泥分隔悔蹉跎于今政績傳司權在昔循
良重治河屯浦煙波供眺賞黟山玉石待研磨期公來守新安
郡惠普黎民樂歲多

攀轅無計勸君留願作江潮送客舟指日黃堂播輿誦何年白
岳約居游爨桐獨抱瑤琴賞團扇涼隨竹簟收此後相思莫相
忘好傳霜信雁門秋

恭和子裳年伯留別詩疊前韻

葉在鑿

秋曹分職重雲官作守濠梁政尚寬共頌無襦而五袴欣瞻方

履與圍冠

道西齋日記天文地理莫不洞然

折腰我爲高堂在容膝公思斗室

安妨蝸作舍句

宦味雖濃如魯酒青瑣

一領尙單寒

問誰名達濟時功

劉長卿

門戶紛紛尙黨同世運欲新文字變謂

廢時

人才非古語言工

近以能習各國語言文字者爲識時俊傑

西歐東亞氣滋熾

北轍南轅道許通每讀出師前後表布衣無復望隆中

馬江威海兩役

卷二

三

爲將相者能無憾於鞠躬盡瘁之言

閉戶渾忘歲月過著書壽世補蹉跎呼庚心憫鴻嗷澤

勸籌

甲年符豕渡河

公生己亥今年六十有一

南浦送君驪又唱

潘筱齋太守已卸鹽局回浙而

公又將

東坡笑我蝸猶磨

整以留緝尙不得去

右丞詩畫右軍字家學淵

源奇興多

千佛名經兩姓留

公庚午鄉榜與家君爲同年庚辰會榜與家叔又同年

濟川更喜托同

舟昔年紅海窮浮涉故里黃巖湖釣游山色溪聲帆外接詩瓢

酒榼篋中收何當折盡青青柳水驛西風又早秋

奉和子裳山長同年留別韻

鶚程元超卓山

當年四度赴春官下第南歸強自寬教子惟期傳祖硯讀書常

恐媿儒冠樓臺得月知誰早松柏經霜尙耐寒八十三年猶健
在待邀

盛典向長安

多士端資教育功春風廣被一時同才高東浙聲華重詩效西
崑結體工心似冰壺塵不染道如沆瀣氣能通明年桂樹花爭
豔盡在門牆長養中

回首高軒三月過韶光迅速易蹉跎冥頑自笑心如石博辯誰
能口似河同譜乍逢常恨晚異時相憶轉情多他年定建千秋
業循吏儒林兩不磨

一曲驪歌去不留木樨香裏送行舟中原何日銷邊釁瀛海當

卷二

三

年慕壯遊

君曾遊泰西諸國

芻粟轉輸宜早計桑榆景晚待徐收臨江

時有飛鴻過凝盼郵書慰暮秋

謹步子裳郡伯留別韻

歛何如海

問濤

隨身琴鶴賦應官詩酒從容碧嶂寬有客遠遊慳進履幾人行
樂結輕冠不將籌箸矜奇術祇爲閩閩託阜安卻喜家鄉傳說
遍萬間厦庇杜陵寒

滿路輿歌薄稅功留題唱和兩情同盟心自有知音解叉手羣
欽選韻工傑作紗籠千載富智珠圓轉萬緣通黃山靈秀豐溪
水好景都邀點綴中

記否乘槎破浪過此生原不悔蹉跎局奇今見開千古卮漏尤

難塞九河志士衷腸思感奮英雄氣概未銷磨長天遙望頻回首海上縱橫戰艦多

我媿浮萍到處留西風常阻故園舟每從愁裏尋生活恥向人間說壯游六十光陰流水去萬千花樣曉煙收俚詞聊當登龍券北雁南來已報秋

謹和山長王太守留別原韻

石舟 余良弼

前身應是玉樞官文筆縱橫九極寬吐鳳雄才推領袖登龍多士肅衣冠壯心未已懷宗愨丰骨超羣擬瑞安謂黃淑蘭先生敬數山長幸曹倉宏蘊蓄竭來樵谷餽孤寒

日記編成筆有功尋常著述漫云同川珍嶽貢梯杭集烏弋黃

卷二

十四

支繪畫工山谷何須羣米聚河源又見一槎通

王師拓地按圖索邊徼都歸掌握中

五馬聯翩願再過爲扶跼隘拯蹉跎愛民課羨三年蓄愷澤沛

如千丈河辭金暮夜清羣頌懸鏡虛堂朗早磨差喜溯洄歌白

露皖山皖水隔無多

駒陰荏苒日華留株守青瓊等契舟身暇惟尋顏子樂墻高可

許叔孫遊諸生已荷金鍼度異品應忻寶鼎收一自成連海上

去天風無限碧山秋

疊韻敬和六潭太尊留別之作

汪淵

太守風流亦耐官溪山大好雅懷寬詩吟偶判初中體客至難

分大小冠壯歲乘風慕宗慤頻年臥雪學袁安芙蓉秋水開雖
晚琢就新詞韻不寒

磨穿鐵硯幾年功一第聲華迥不同筆走風濤驅海若文成雲
錦奪天工殷懃枉辱雙南贈承贈近刻詩詞疏嬾慙無半刺通縱織弓
衣歌井水詞名我敢望三中

草草年華夢裏過仰天搔首感蹉跎困如上竹鮎離沼拙似搬
薑鼠渡河灰盡名心猶未死銷殘傲骨尙難磨得公一序傳千
古價重三都詎足多拙著瑤天笙鶴詞公會爲敘

偶然蹤迹北山留未得河干送鷁舟何日雙魚遙爲寄尙期五
馬再來游松膠難敘樽前別藥物都歸籠內收此去江心寒草

卷二

三

閣萬荷香裏賞新秋

敬步六潭先生海陽留別原韻

黔姚國儀 禮珊

治民端賴愛民官教養兼施德政寬濠上舊聞千氣象山中還
訪古衣冠心期四裔櫓槍掃神往中州磐石安珍重布帆子陵
瀨秋風披拂水聲寒

欲從絕域奏鴻功土物民風別異同競說龔黃碑可勒能偕燕
許筆爭工雲山萬里見聞擴日月九天夢寐通多少劬勩撫綏
事半歸腕下半胸中

蓬華增輝棨戟過清言娓娓振蹉跎誨人常勉螳時術析理能
詳魚舞河四野桑麻勞注念滿門桃李切碩磨淵明子拙難陶

淑得被春風長養多

闔苑仙蹤屯浦留
倏借琴鶴泛輕舟
月中桂馥悵遙別
洞口桃開願再游
大澤含如時雨潤
離愁盼極落霞收
料知雙槳經行處
題徧水天一色秋

卷二

美

與徐詩水天一色秋

開闔再遊大澤含如時雨潤離愁盼極落霞收料知雙槳經行

闔苑仙蹤屯浦留倏借琴鶴泛輕舟月中桂馥悵遙別洞口桃

淑得被春風長養多

